

簡心十道疏解

蜀南郭念舟贈送

簡心十道疏解



上海佛學書局藏版

簡心十道疏解

一名釋天台智者大師簡心十道初門

簡心十道。其源出於佛華嚴經。隋朝天台智者大師。因說摩訶（大也）止觀（照而能寂。謂之止寂而常照。謂之觀）。簡除此種非心。以爲學佛衆生入手觀心地步。簡是檢點而出。分別而言。心本一切世間出世間。萬法之總相（萬法是心之別相）。總名一心。其別有五。（一）名肉團心。生色身中。狀如蕉薈。此心係無情攝。（一）名緣慮心。狀如野燒。忽生忽滅。此心係妄想攝。（一）名集起心。狀如草子。埋伏識田。此心係習氣攝。（一）名賴耶心。狀如廣田。納種無厭。此心係無明攝。（一）名眞如心。廓徹法界。狀同虛空。此心係寂照攝（以上出眞心直說）眞心

本無可說。強名真如。首楞嚴經。佛爲阿難。曾以七處徵考詰問。(一)不在內。(二)不在外。(三)非潛伏根裏。(四)非見暗。(五)非隨合。(六)不在中間。(七)非無著。示云清淨妙淨明心。性一切心而自無體。佛經隨緣立號。其名甚多。或名法身。或名法界。或名佛性。或名自性。或名總持。或名圓覺。或名菩提。或畢竟空。或如來藏。或一切種智。備在衆經。不能具引。祖教(祖師言教)應感隨機。其名亦衆。或名妙心。或名正眼。或吹毛劍。或沒絃琴。或無盡燈。或无底鉢。或无根樹。或無價珠。或無爲國。或主人翁。散見諸教。亦難盡言。總之。纔與安名。便成障礙。今此大師所簡十道。皆非此心。前九種(地獄至色無色)如蠶自縛。全屬生死。旣已自蔽。還用迷人。後一種(二乘道心)如獐獨跳。雖是涅槃。但得自脫。未具

佛法前後俱非。故雙簡之。當知大師簡此心之十道。明白示人。祇望衆生覺悟本心。脫離諸念。所謂不怕念起。只怕覺遲。一念回機。便同本得。故曰佛語心爲宗。無門是法門也。

若其心念念專貪瞋癡。攝之不還。拔之不出。日增月甚。起上品十惡。此發地獄心。行火途道。

若有其人。清淨本然之心。（卽眞如心）由不覺（阿賴耶心）而忽然之間。妄生一念。（集起心）前念後念（緣慮心）專心專意。貪求不已。瞋怒不息。愚癡邪見。迭起不休。久而久之。雖欲將他收攝轉來。還其清淨本然之心。奈何他勢力已大。越收攝他。他越遠走。居然攝之不還。又想將

他抽拔出去。安其清淨本然之心。奈何他根柢太深。越抽拔他。他越潛藏。定然拔之不出。從此日增一日。月甚一月。心心不斷。念念相連。自然而起身中。殺生偷盜淫欲。三種惡業。口中。兩舌妄言惡口。綺語四種惡業。意中貪欲瞋恚愚癡三種惡業。一往直前。肆行無忌。將作惡時。正作惡時。已作惡時。略無絲毫慚愧。改悔之心。致成上品十惡。此其發心之初。如火鬱炎薰蒸。已極。發心之後。如火熾盛。燒毀無窮。結成八寒八熱。有間無間種種地獄。此心一發。如蛾撲火而行。地獄門開。佛眼觀之。爐火鑊湯。當下煎腸炙骨。將來由發地獄心爲因。以行火途道爲果。斷斷乎無有能逃者。故曰發地獄心。行火途道。

此地獄心。從妄想發。（賴耶集起緣慮同從妄生。故可概名妄想。）多屬

貪欲當其發時。於清淨本然之心。本無所增。故其發後。於清淨本然之心。亦無所減。人能覺悟。自知一切世間對境逢緣。皆幻人相。一切捨盡。便入菩薩檀波羅蜜法門。轉入轉深。至菩薩初歡喜地。若是利根上智。一念回機。熄无明火。（无明是妄想根本）當得如來佛號。（佛號有十一稱。如來）卽入如來甚深難知廣明至德地。（十佛地出同性經。此其一地）是爲地獄道中佛出世也。

若其心念念欲多眷屬。如海吞流。如火焚薪。愚癡貪著。起中品十惡。此發畜生心。行血途道。

若有其人。清淨本然之心。由不覺而忽然之間。妄生一念。前念後念。欲求

多得飲食衣服宮室男女金玉田宅僮僕牛馬種種內眷種種外屬越多越。辟如大海之吞納衆流。越想越熱。又如火之焚燒衆薪。一味愚癡。利必歸我。一心貪著。毫不顧人。念念相連。心心不斷。自然而起。身三口四意三諸惡。作時恬然不怪。作已稍具悔心。便成中品十惡。此其發心之初。污穢不堪。滋生蕃殖。發心之後。互相吞噉。血肉淋漓。合成胎卵。溼化有想。無想種種畜生。此心一發。如蠅逐臭。而行畜生門。開佛眼觀之。戴角披毛。當下透靈。別殼將來。由發畜生心爲因。以行血途道爲果。斷斷乎無有得免者。故曰發畜生心。行血途道。

此畜生心。從妄想發。多屬瞋恚。於清淨本然之心。本无能垢。亦无能淨。人能覺悟。自知一切世間對境逢緣。皆陽燄相。一切戒盡。便入菩薩戶。羅波

羅蜜法門。轉入轉深。至菩薩離垢地。若是利根上智。一念回機。斷无明流。當得應供佛號。卽人如來清淨身。不思議地。是爲畜生道中佛出世也。

若其心。念念欲得名聞。四遠八方。稱揚欽詠。內無實德。虛比聖賢。惟行諂誑。起下品十惡。此發餓鬼心。行刀途道。

若有其人。清淨本然之心。由不覺而忽然之間。妄生一念。前念後念。欲求多得鴻名美諡。令聞廣譽。能使東弗於逮。南閼浮提。西瞿耶尼。北鬱單越。四方遠處。及東南西南東北西北八表遐方。稱贊宣揚。欽仰詠歎。然而內攷身心之蘊。毫無眞實德行。外爲虛假之言。比美先賢古聖。惟欲諂迷智。

士徧行誑惑愚人。念念相連。心心不斷。自然而起。身三口四意三。諸惡始作。現作已作。三時皆具。悔心便成。下品十惡。此其發心之初。理欲交爭。忍而自棄。發心之後。天良難昧。痛不能追。化成炬口。針咽無財。少財種種。餓鬼此心一發。如蚊赴熱而行。餓鬼門開。佛眼觀之。風刀割身。當下琰魔王界。將來由發餓鬼心爲因。以行刀途道爲果。斷斷乎无有挽回者。故曰發餓鬼心。行刀途道。

此餓鬼心。從妄想發。多屬愚癡。於清淨本然之心。本无從生。亦无從滅。人能覺悟。自知一切世間對境逢緣。皆水中月。相一切忍盡。便入菩薩羣提。波羅蜜法門。轉入轉深。至菩薩發光地。若是利根上智。一念回機。破无明窟。當得正徧知佛號。卽入如來海藏地。是爲餓鬼道中佛出世也。

若其心。念念常欲勝彼。不耐下人。輕他重己。如鴟
高飛下視。而外揚仁義禮智信。此起下品十善心。
行阿修羅道。

若有其人。清淨本然之心。由不覺而忽然之間。妄生一念。前念後念。常常
欲於文章道德富貴功名。好勝爭強。過彼一切。不肯忍耐。謙下於人。輕蔑
他人。矜重自己。其心高氣傲。內面蹲踞情形。辟如鴟鳥。高飛戾天。冥然下
視。而又恐人不信。外面却虛誣詐。僞極力彰揚。或不殺以示仁。或不盜以
示義。或不淫以示禮。或不飲以示智。或不妄以示信。執定此掉舉性心。勉

強起行。不殺生。不偷盜。不淫欲。身中三善。不妄語。不兩舌。不惡口。不綺語。口中四善。不貪欲。不瞋恚。不愚癡。意中三善。始作善時。正作善時。已作善時。時時皆出。勉強皆生。悔心。致成下品十善心。出生人天鬼畜。是天非天。種種修羅。此心一起。如蜮含沙而行。修羅門開。佛眼觀之。須彌山身。常在藕絲孔裏。將來由猜忌心。爲因。以無端正爲果。斷斷乎無有跳出者。故曰。行阿修羅道。此阿修羅心。從妄想發。多屬我慢。於清淨本然之心。本無從合。亦無從離。人能覺悟。自知一切世間對境逢緣。皆空中花。相一心精進。便入菩薩毗黎耶波羅蜜法門。轉入轉深。至菩薩燄慧地。若利根上智。一念回機。洗无明垢。當得明行。足佛號。卽入如來神通智慧地。是爲阿修羅道中佛出世也。

若其心。念念欣世間樂。爲欲安其臭身。悅其癡心。
修行五戒。此起中品十善心。行於人道。

若有其人。清淨本然之心。由不覺而忽然之間。妄生一念。前念後念。欣羨三千大千恆河沙一切世間。根塵所樂。爲欲以此世間之樂。安穩其臭惡不淨行尸走肉之身。悅慰其癡迷不醒。思前想後之心。而惟恐希望不成。於是勉強修行。佛祖所說不殺生不偷盜不淫欲不妄語不飲酒五種善戒。執定此昏沈性心。隨喜而起。身三口四意三十種善行。始作善時。本由欲愛已作善後。不免悔心。便成中品十善心。出生善男信女。不男不女。種種人類。此心一起。如螺戴殼而行。人道門開。佛眼觀之。拖死尸來。仍然拖。

死尸去。將來由迷惑心爲因。以入世間爲果。斷斷乎無有脫離者。故曰。行於人道。

此人道心。從妄想發。多屬疑蓋。於清淨本然之心。本無從來。亦無從去。人能覺悟。自知一切世間對境逢緣。皆谷中響。相一心禪。定便入菩薩禪。波羅蜜法門。轉入轉深。至菩薩難勝地。若是利根上智。一念回機。除无明緣。當得善逝佛號。卽入如來明德地。是爲人道中佛出世也。

若其心。念念知三惡苦多。人間苦樂相間。天上純樂。爲天上之樂所關。求生彼故。六根不出。六塵不入。此起上品十善心。行於天道。

若有其人。清淨本然之心。由不覺而忽然之間。妄生一念。前念後念。深知地獄餓鬼畜生三惡道中苦趣極多。人生世間苦不如他樂。又不如天上時苦時樂。常相間斷。惟有天上純然樂境。於是想念天上之心。爲天上之樂。顯如有所將他關住。而此人爲求生於彼天上之故。眼耳鼻舌身意六根。內密藏之。不令其出色聲香味觸法六塵外遮護之。不使其入。執定此無記性心。安然而起身三口四意三十種善行。任運而行。委懷不較。終始一善。毫無二心。便成上品十善心。化生四王忉利夜摩兜率化樂。他化自在諸天。此心一起。如蟻向月而行。天道門開。佛眼觀之花鬘鉢衣依舊。驢胎馬腹。將來由欲界定爲因。以欲界天爲果。斷斷乎無有超越者。故曰行於天道。

此天道心。從妄想發。據楞嚴經。當由堅固於清淨本然之心。本無從動。亦無從靜。人能覺悟。自知一切世間對境逢緣。皆乾闥婆城。相一心智慧。便入菩薩般若波羅蜜法門。轉入轉深。至菩薩現前地。若是利根上智。一念回機。壞无明習。當得世間解。佛號卽入如來無垢涅槃。炎光開相地。是爲天道中佛出世也。

若其心。念念欲大威勢。身口意纔有所作。一切弭從。奪他所化。以自娛樂。此發欲界主心。行魔羅道。

若有其人。清淨本然之心。由不覺而忽然之間。妄生一念。前念後念。貪求欲得。大顯威權。大張勢力。舉凡身所欲行。口所欲言。意所欲得。方纔發端。

有所造作。一切天龍鬼神仙靈人物先意承旨。弭首服從。於是由我奪取他人所有造化緣生。以供自己現前歡娛快樂。此其發心之初。寶網交羅。擬踰帝釋。發心之後。火坑毒飲。思害迦文。出生生死煩惱界內。界外種種魔羅。此心一發。如蛛結網。而行魔道。門開佛眼觀之。他化天宮。可惜汪洋。擊海。將來由欲界主心爲因。以行魔羅道爲果。斷斷乎無能自由者。故曰。發欲界主心。行魔羅道。

此魔羅心。從習氣發。（習邪定故）據楞嚴經。本於融通。妄想於清淨。本然之心。本無所捨。亦無所取。人能覺悟。自知一切世間對境逢緣。皆如夢相。一心方便。便入菩薩方便波羅蜜法門。轉入轉深。至菩薩遠行地。若是利根上智。一念回機。盡無明相。當得無上士佛號。卽入如來廣勝法界藏。